

四庫全書

子部

欽定四庫全書

唐開元占經卷六十八

唐 瞿曇悉達 撰

石氏外官

庫樓占一

石氏曰庫樓十星五柱十五星衡四星凡二十九星左

角南

西北星入軫少去極百四十度在黃道外二十一度太庫樓一曰天庫兵車之府也其大六星庫也

西四星樓也旁十五星三三而聚者柱也中央小星衡也

巫咸曰天庫金官也

春秋元命苞曰天庫主陳兵 黃帝占曰五車外庫者  
芒角明大星多蕃衆則兵大起車騎多用庫樓所指者  
兵所指者兵所往人能知庫樓者使人不忘 洛書曰  
庫樓兵動害及胡一曰戎馬驚 洛書曰庫無星下土  
臣逆謀兵乃生 春秋緯曰天庫虛諸侯謀反一曰中  
州謀兵四合 春秋考異郵曰王者謀伐四夷則庫兵動  
又占曰庫樓五柱皆動五將盡行五柱生角若芒多  
衆及具無處車馬 石氏曰庫樓及五柱皆不見兵車

盡出天子自將兵 焦延壽曰天樓星上近柱王者樓  
殿有飛不知其處若有天火燒之者 郝萌曰天庫主  
遠兵星搖者其將行星皆動將盡行 郝萌曰天庫星  
衆則藏善散若皆去則兵起 石氏讚曰庫樓之官兵  
所藏其中欲實惡虛空

南門星占二

石氏曰南門二星在庫樓南

右星入軫十四度去極百三十度在黃道外二十一

度

春秋緯曰角南兩大星曰南門

南門天之  
外門也

黃帝

占曰南門星欲明執法吉人主昌吉星若不明非其故  
則臣不忠若有兵起王者憂 石氏曰南門中有小星  
三芒者則兵車出 石氏讚曰南門二星主守兵

平星占三

石氏曰平星二星在庫樓北

西星入軫十四度去極百  
度在黃道外十一度太也

春秋合誠圖曰平星主廷平 論讖曰平星主法

黃帝占曰平星欲其明而正直大小齊同而明君臣和  
政令行其星不明差戾不正君臣不和政法荒亂 石

石氏曰傳說一星在尾後

入尾十二度太去極百二十度半在黃道外十三度太

黃帝占曰傳說星主後宮祈神明保子孫文章祝說以求福慶其星明則後宮吉子孫昌其星不明或若不見則后宮人多疾子孫凶多有死者 春秋元命苞曰傳說主祝章巫官也章請號之聲也 傳說蓋女巫也主王后之內祭祀以祈子孫廣求胤嗣 石氏曰傳說星亡社稷無主 石氏曰傳說星明大則吉不明者天下多禱祠 焦延壽曰傳說星入尾天下有祝詛人主

者若有巫醫之害以入日占國 郝萌曰傳說星光明  
王命興輔佐出 荊州占曰傳說星明大王者多子孫  
一曰傳說主祝章

魚星占八

石氏曰魚一星在尾後河中

入尾十四度去極百二十度在黃道外十二度也

黃帝占曰魚星一名據星一名蒙星忽然不明而在  
則魚多星亡則魚少 黃帝占曰魚星主雲旗其星忽  
然不明如雲常居漢中微而不明則陰陽和風雨時其

星明而動搖則陰陽不調雨澤不時有大水 春秋元  
命苞曰魚星主雲旗統陰事調和雲雨之期 黃帝占  
曰魚星常居河旁中河而處則兵起期七月常在河東  
近箕 石氏曰魚星大而明則陰陽和 又曰魚星動  
搖則水暴出 又曰魚星出河大魚死一曰旱 海中  
占曰魚星中河而居而明大天下大水津道塞若微小  
出河中外天下大旱五穀不成 焦延壽曰魚星明  
則河海水皆出 班固五行志曰魚星中河而處車騎



滿野 石氏讚曰漢中魚星知雲行

杵星占九

石氏曰杵三星在箕南

北星入箕一度太去極百三十二度半在黃道外二十一度太

巫咸曰杵曰土官也 黃帝占曰杵星明而動天下

有兵杵曰用事軍糧急其星微小天下安寧而無兵

石氏曰天杵曰動則民失其釜甑大去其鄉杵縱則民

足食橫則民饑 石氏曰天杵曰星不具民賣釜甑

甘氏曰杵曰星明則天下安五穀成杵曰用其年豐星

若不明歲大惡五穀不成杵臼不用一曰杵在箕南給庖春

鼃星占十

石氏曰鼃十四星在南斗

右星入南斗一度去極百二十九度半在黃道外十四度

也

黃帝占曰鼃星常居漢中微而不明則天下和雨

澤時其星若不居漢中則陰陽不和天下旱 石氏曰

鼃一星去有白衣之會二星去有大喪以去日占國

班固天文志曰鼃星不居漢中有易川者 石氏讚曰

龍星為水蟲太陰也

九坎星占十一

石氏曰九坎九星在牽牛南

西南星入斗十四度半去極百三十六度在黃道外

十九度太

巫咸曰九坎水官也

荊州占曰九坎九星主

水旱之事

黃帝占曰九坎主通水泉星明則陰陽調

和百川通流皆注於海星若不明百泉不通河海枯竭

天下大旱人民饑饉國有憂 石氏曰微吉明不吉

石氏讚曰九坎九星水泉通

敗曰星占十二

石氏曰敗曰四星在虛危南

西南星入須女十度去極百三十一度少在黃道十

度九

荊州占曰敗曰四星主正治之事

黃帝占曰敗

曰主殃凶其星微而不明溫溫然則主者吉人民安星明而動搖者人主有憂疾多灾凶人民愁苦天下不安多死喪 石氏曰敗曰一星不具民賣釜甑去其處一曰敗曰四星主凶災

羽林星占十三

石氏曰羽林四十五星壘壁陣十二星凡五十七星在

營室南

四星入危四度太去極百二十度太在黃道外十三度太也

郝萌曰羽林

一名材官一名天南庫一名單于軍又主翊王 春秋

合誠圖曰危南有衆星曰羽林為天軍又羽林軍水官

也 元命苞曰羽林主軍騎 黃帝占曰羽林星三三

而居行列相隨守衛之官也其星實而衆明王者吉其

國安星希而不明若動兵士出星若亡不見天下兵盡

出 郝萌曰羽林星不欲動動即有兵不出六十日兵

車發有所之而起又曰不出三十日有兵 又曰羽林  
中無星天下兵盡出一曰大將軍發若大赦 春秋元  
命苞曰壘城在軍位 郝萌曰壘城鉞主斬矛 又曰  
陣星脩武急非其故兵起有破軍殺將 石氏讚曰羽  
林衆星主翼王 石氏讚曰壘壁陣十二星為營壘

北落星占十四

石氏曰北落一星在羽林西南

入危九度去極百三十度太在黃道外二十三

度半

郝萌曰羽林西南有大赤星狀如大角天軍之門

也名曰北落一名師門

北者宿在北也落者天軍之北落也師者衆也門者軍門也

春秋合誠圖曰北落主非常

黃帝占曰北落師門

星明大士卒昌大將軍強星微小若亡不見天下兵大將出行其國不寧主有憂春秋元命苞曰北落角者兵起文曜鉤曰北落亡角有軍石氏讚曰北落師門一星主候兵

土司空星占十五

石氏曰土司空一星在奎南

入壁七度太去極百二十度少在黃道外二十四度

也少春秋合誠圖曰司空主土城 石氏曰土司空星

大天下安又曰色黃明則吉一曰知禍殃 黃帝占曰  
土司空星明而黃潤則天下安吉王者吉其星不明若  
亡不見其國有喪若土功之事若有旱災

### 天倉星占十六

石氏曰天倉六星在婁南

南星入奎四度太去極百二十度在黃道外十八度

郝萌曰天倉者天司農也 黃帝占曰天倉主倉府之

藏也天倉中星衆穀粟聚其中積儲實其中星希少倉



中虛耗無儲積粟散出 石氏曰天倉戶開則歲  
大熟粟聚倉戶閉歲穀不登天下民飢 黃帝占  
曰天下有兵而倉庫之戶俱開主人勝客客事不  
成期二十日發 石氏曰天倉中星小衆盛則粟  
聚歲實星希歲耗穀散倉則天下亂若大飢 郁  
萌曰天倉星不具道不通 黃帝占曰天倉不見  
其所臨軍分絕倉大窮而亡 石氏讚曰天倉六  
星

天囷星占十七

石氏曰天囷十三星在胃南

東北入胃六度少去極九十六度半在黃道外十四

度少

黃帝占曰天囷主御糧百庫之藏也

在野曰囷在邑曰倉一曰

圓曰囷方曰倉

天囷星欲明其中星衆百庫之藏實滿其星不明囷

中星簡庫藏空虛若多散出天下不安其國有憂石

氏曰天囷星明則吉微則凶 郝萌曰天囷見即天下

囷倉實不見即皆虛 石氏曰天囷十三星給銜糧者

也

天廩星占十八

石氏曰天廩四星在昴南

南星入胃十一度少去極九十度在黃道外九度太

春秋合誠圖曰天廩主廩倉 巫咸曰天廩一名天膏

主廩藏會計之事其星齊明則年豐國饒人民安王者

吉其星小而不明歲惡藏虛人民饑一曰臣受君祿

黃帝占曰天廩星欲其明而盈實則歲熟多粟星黑而

希則歲敗腐矣

天苑星占十九

石氏曰天苑十六星在昴畢南

東北星入畢二度太去極百一十四度在黃道

外四十度少

巫咸曰天苑金官也

郝萌曰天苑天子之

苑也

石氏曰天苑天囷也主馬牛羊非其故若星不

具有斬死吏

黃帝占曰天苑主苑牧犧牲牛羊之屬

其星行列齊明苑中星衆則畜牲蕃息多饒野獸其星

微小不明若不見苑中星希敗畜牧不孳牛羊野多死

郝萌曰天苑星非其故若不具有斬刈之事 石氏

讚曰天苑十六星主牛羊

參旗星占二十

石氏曰參旗九星在參西一名天弓

南星入畢九度半去極九十三度在

黃道外十三度半也

郝萌曰天弓九星不具天下大赦為兵赦

非無故自赦也一名參旗一曰天府 春秋緯曰參旗

在參西勾曲九星三處一曰天旗二曰天苑三曰九游

以宣威明開緒 巫咸曰天弓金官也 春秋緯曰天

旗司五星之變日月過之熒惑守日蝕星天下亂 郝

萌曰天弓主司兵弩之事其星動搖有以迷惑主者

黃帝占曰參旗星不欲明微小而直王者安天下無兵  
明而曲狀如張弓天下不寧兵大起人民憂禮含文  
嘉曰王者制度有科物應以宜則參旗弓行

宋均注曰  
弓行者參

旗星行列紆  
曲似弓也

易緯曰旗星明振主自消諸侯亂禮

緯曰天子至卿士旗旒中禮制度有科則參旗弓行正  
齊均平石氏曰參旗不明吉明有白衣會一曰邊寇  
動兵起弓弩射士發石氏曰參旗九星不欲張

玉井星占二十一

石氏曰玉井四星在參左足下

西南星入畢十二度少去極百二十度太在黃

道外五十度少也

巫咸曰玉井水官

春秋緯曰玉井主軍

敵論讖曰玉井主粥厨

黃帝占曰玉井星微小如

其故則陰陽和雨澤時五穀成天下安其星明而動搖有大水五穀不成人民大饑國不寧 郝萌曰玉井動搖有水不出二年 石氏讚曰玉井四星主水漿

屏星占二十二

石氏曰屏星在玉井南

北星入觜太去極百一十八度在黃道外四十六度太

春秋緯曰天屏主上疾 石氏曰天屏星不具人多疾  
石氏讚曰屏星在南為屏風

厠星占二十三

石氏曰厠四星在屏東

西北星入參三度少去極一百一十五度在黃道外四十四度

半

郝萌曰厠星主觀天下疾病 黃帝占曰天厠星

欲黃赤黃赤而明吉蒼黑凶 石氏曰厠星不具貴人

多病一曰天一曰陷厠 石氏曰厠星青黑主有腰下之

疾黃吉白凶黑死皆為貴人 又曰黃澤者歲熟 玉



厯曰廁星欲溫溫然明潤澤則王者無疾病出入不時  
星若微小不見人主帶病腹腸之疾若人民多疫 石  
氏讚曰廁星在東名自彰

天矢星占二十四

石氏曰天矢一星在厠南

入參七度去極百二十三度在黃道外五十三度也

石氏曰天矢星主候吉凶色黃即吉青白黑凶 黃帝

占曰天矢星明萬物有命 黃帝占曰天矢星微萬物

流星不具多疾死星亡萬民大瘡 又占曰常以春秋

分候矢星明黃而潤澤則天下人民無疾病王者安其  
星不明色青黑天下人民有腰腸之病其國饑人民餓  
死黃帝占曰天矢色黃為貴人吉青白為貴人疾黑  
貴人死期三年石氏曰秋分候天矢星亡萬民大亂  
荊州占曰天矢星亡萬民多死石氏讚曰矢星在  
南色欲黃

軍市星占二十五

石氏曰軍市星在參東南

西星入井三度少去極百  
十度在黃道外三十一度

石氏曰軍市十三星水官也 石氏曰軍市

星衆則軍有餘糧星少即軍饑 巫咸曰軍市水官

也

野雞星占二十六

石氏曰野雞一星在軍市中

入井八度去極百一十一度在黃道外四十二度太

黃帝占曰野雞大將也主屯營軍之號令警急設備

其星明大則主將猛士卒強其星不明主將弱兵士離

散 石氏曰野雞安靜吉芒角凶 荊州占曰野雞野

將也主兵 又占曰野雞出市天下有兵諸侯相攻

石氏讚曰野雞一星主野邦

狼星占二十七

石氏曰狼一星在參東南

入井十三度去極百六度太在黃道外四十二度少也

黃帝占曰狼星一名夷將其星色欲黃白無光芒不動

搖天下寧兵不起其星色赤而大光芒四張動搖變色

天下亂大兵起盜賊起於道路人主不安百姓憂苦

荊州占曰狼星秦南夷也名曰候一名天紀一曰天陵

狼者賊盜弧者天弓脩盜賊也故弧射狼矢端直者狼不敢動搖則無盜賊而兵不起動搖明大多芒變色不如常胡兵大討 紀歷樞曰狼星為野將 宋均曰狼

星為羊角

鄭玄曰狼星主羊

狼在於未未為羊也

巫咸曰狼

星盛兵弩貴小兵弩賤金官也

黃帝占曰狼星盛兵

弩貴小兵弩賤

元命苞曰狼星變色盜賊萌

石氏

曰狼星色赤而光明芒角長大天下兵起將軍有死者期二年 巫咸曰狼星易其處不如其故天下饑兵士

滿野其國凶荒期不出年 郝萌曰狼星白芒百徒聚

天下 又占曰狼星躁走為人主不靜不居其宮馳騁

天下 荊州占曰狼星芒角多多盜賊芒角少少盜賊

荊州占曰狼星非其故人相食 石氏讚曰狼星在

參東南有常芒角變動為憂兵

### 弧星占二十八

石氏曰弧九星在狼東南

西星入井十六度去極百二十度少在黃道外五十二

度半也

石氏曰弧星者天弓也以脩賊盜狼星為奸寇

弧星為司其非其矢常欲直狼則不敢動天下安寧無  
兵起若矢不直弧其不張天下多盜賊兵大起國不寧  
黃帝占曰弧星主弓矢之府以備非常其星大而齊  
明其色黃潤則四方安靜天下無兵其星色變不如其  
常天下皆兵弓矢大貴人主不安 荊州占曰弧星主  
武官弧張迎戰者不勝弧動先用兵吉後者凶 黃帝  
占曰狼旗七星屈曲者夷狄弱可攻 洛書曰狼弧張  
害及胡 尚書緯曰黑帝亡也狼弧張 春秋緯曰狼

弧張四年之後天下永亂 焦延壽傳曰天弓張天下盡  
兵主與臣相謀 郝萌曰有兵若弧星張先起兵者利  
後起兵者不利 荊州占曰弧星青黑有大憂 荊州  
占曰弧矢動搖明大多芒變色不如常者多盜賊胡兵  
起 石氏讚曰弧在東南陰謀張也

老人星占二十九

石氏曰老人星在弧南

入井十九度去極百三十三度半在黃道外七十五度太

黃帝占曰老人星一名壽星色黃明大而見則主壽昌



老者康天下安寧其星微小若不見主不康老者不强

有兵起 郝萌曰老人南極星也立秋二十五日晨見

丙午之間

以秋分見南方春分而没出于丙入于丁

巫咸曰老人星木官

也 春秋元命苞曰直弧比地

晉均注天官書曰比地近地也

有一大

星曰南極老人見則主安不見則兵革起常以秋分候

之南郊以慶主令天下 春秋緯曰老人星見則治平

主壽老人星亡則君危若世夭 春秋文耀鉤曰王者

安靜則老人星見 春秋運斗樞曰王政和平則老人

星臨其國萬民壽 石氏曰老人星明主壽昌天下多

賢士 又占曰老人星色欲黃潤王者老人吉其色青

主有憂老人疾色若黑白主有老人多死各以五色占

吉凶 孫氏瑞應圖曰王者承天則老人星臨其國

### 稷星占三十

石氏曰稷五星在七星南


四星入柳十四度少去極百四十八度在黃道外六十八

度少也

祖暄曰上稷農正也稷者稷也取乎百穀之長

以為長也 黃帝占曰稷星主五穀豐耗其星溫溫而

明歲大熟五穀成其星不明若亡不見歲不熟天下饑  
荒人民流亡去其鄉石氏曰稷星不見歲饑也石  
氏讚曰稷在張南時報功



唐開元占經卷六十八

欽定四庫全書

子部

唐開元占經卷

六十九  
七十

詳校官中書<sub>臣</sub>李采

靈臺郎<sub>臣</sub>倪廷梅覆勘

總校官編修<sub>臣</sub>王燕緒

校對官庶吉士<sub>臣</sub>潘曾起

謄錄監生<sub>臣</sub>鄧培善

欽定四庫全書

唐開元占經卷六十九

唐

瞿曇悉達撰

甘氏中官占五

天皇大帝占一

甘氏曰天皇大帝一星在鈎陳口中

黃帝占曰天皇

大帝名耀魄寶主天女象下出命符

河圖雒書云以

授天子立五禮

春秋緯曰大帝紫宮不言不動搖以

斗運度推精使五帝修名號 元命苞曰帝位明達羽

翮秀良則光大色度和同天下太平國號中央

宋均曰  
帝大帝

之精也皇  
大帝之星 甘氏讚曰天皇大帝秉萬神圖

四輔星占二

甘氏曰四輔四星抱北極樞 郝萌曰四輔去君臣失  
禮輔臣有誅者 甘氏讚曰四輔機權北極樞也

華蓋星占三

甘氏曰華蓋七星杠九星凡十六度在大帝上 荊州

占曰正上柱蓋者名曰杠星次蓋大星者母也其中央者身也母星下二寸者妻子也若此星有變各有所主災也母星下有二寸有小星不當見見即有急太子不得代立若有異姓欲立近期一年中期二年遠期三年而起天下煩亂五穀大貴田宅無價甘氏讚曰華蓋張光掩翳帝舡玄橈周杠捶植距跌

五帝內座占四

甘氏曰五帝內座五星在華蓋下甘氏讚曰內座設

席

六甲星占五

甘氏曰六甲六星在華蓋杠傍 春秋緯曰六甲中為

輔包羅物類為神戶

六甲所以紀陽陽而紀時故在杠旁以布政授民

甘氏

讚曰六甲中候出入有須

天柱星占六

甘氏曰天柱五星在紫微宮中近東垣 甘氏讚曰天

柱立政朔望懸書

天柱立政教懸圖法之所也常以朔望施禁令於柱以示百僚



柱下史占七

甘氏曰柱下史一星在北極東北 甘氏讚曰柱下史

記過密移東厨

厨書藏也

女史星占八

甘氏曰女史一星在柱下史北

女史婦人微者也主傳漏也

甘氏

讚曰女史傳漏動記時

尚書星占九

甘氏曰尚書五星在紫微宮門內東南維 甘氏讚曰

尚書納言夙夜咨謀

陰德占十

甘氏曰陰德二星在尚書西 丈耀鉤曰紫微宮前列

直斗口三星隨北端銳若見若不見曰陰德為天一剛

天官書天文志並云三星或曰天一紫圖薄志二星

運斗樞曰陰德主正經

春秋緯曰陰德動臣主爭伐相謀 運斗樞曰陰德浮

近臣恣庶雄謀天子咸並相謀

宋均曰浮猶見也陰德星帝微令著明也

焦延壽曰陰德星明太子伐主若有女主治天下者

赫連圖曰陰德滅聖人即紀 甘氏讚曰陰德惟惠周  
民賑撫

天牀占十一

甘氏曰天牀六星在紫微宮門外 甘氏讚曰天牀寢  
舍一本云寢室解息燕休

天理星占十二

甘氏曰天理四星在北斗魁口中 樂緯曰天理貴人  
之牢也 合誠圖曰天理主司三公 巫咸曰北斗魁

中天理主貴者水官也 援神契曰天理勅脩紀中情  
甘氏讚曰天理執平首鞫魁頭

內厨星占十三

甘氏曰內厨二星在紫微宮西南角外大宮之內飲食  
厨也 甘氏讚曰內厨優宴房誦說虞

內階星占十四

甘氏曰內階六星在文昌北 合誠圖曰內階星主明

堂

宋均曰階  
星內階也

甘氏讚曰內階朱戶顯寵念慮

天厨星占十五

甘氏曰天厨六星在紫微宮東北維外 甘氏讚曰天

厨咸饌百宰若疏

策星占十六

甘氏曰策一星在王良前 巫咸曰策星天子兵馬金

官

案豫章列士傳曰周勝字叔達南昌人為侍御史桓帝當南郊平明應出勝仰觀曰主御者策星今宮車

出必策馬星悉不動明必不出至四更皇子卒遂止也

郝萌曰策星主天子之僕

御 甘氏讚曰策執御右螭蛇先驅

傳舍星占十七

甘氏曰傳舍九星在華蓋上近河傍舍賓客之館舍也  
巫咸曰傳舍水官也 焦延壽曰傳舍星入紫微宮  
垣間胡人來入漢宮害上若胡兵大起 甘氏讚曰傳  
舍止客

造父星占十八

甘氏曰造父五星在傳舍南河中 郝萌曰造父一名  
西橋一名司馬星御道僕 黃帝占曰造父星移處兵

起車騎滿野馬貴 又曰造父亡馬大貴 甘氏讚曰  
造父洗馬轡勒御鑣

車府星占十九

甘氏曰車府七星在天津東近河傍

車府主車官也

甘氏讚

曰車府撰銜

人星占二十

甘氏曰人星五星在車府東南

一曰卧星  
主治萬民

元命苞曰

卧星主夜行一度齊記以防淫

巫咸曰人星土官也

焦延壽曰人星不具王者有子不成而死星盡不見  
有人傳相驚以詔事若有詐偽詔者又曰婦人大亂後  
大兵起 又曰卧星立則天子明死民 甘氏讚曰人  
星優遊乃爾寧諸

內杵星占二十一

甘氏曰內杵三星在人星傍

白星占二十二

甘氏曰白四星近人星東南 論語識曰杵白七星主



給庖 郝萌曰杵臼主軍糧食 黃帝占曰天杵臼星  
不具民賣其釜甑去其處 郝萌曰天臼之星衆則歲  
樂星疏則歲饑 又曰杵臼離黎民饑 陳卓曰杵臼  
星不具民失杵臼 甘氏讚曰杵臼充春主給養厨

扶筐星占二十三

甘氏曰扶筐七星在天津北 元命苞曰扶筐主藏蓋  
量入知息耗 郝萌曰扶筐主將作事 焦延壽曰扶  
筐近織女若不正皆為天下府藏空開 甘氏讚曰扶

筐採葉翊養玄羞

司命星占二十四

甘氏曰司命二星在虛北 詩緯曰司命執刑行罰

元命苞曰司命舉過滅除不祥 甘氏曰司命繼嗣移

正朔 郝萌曰司命主百鬼 又曰司命與與鬼司候

司祿星占二十五

甘氏曰司祿二星在司命北 又曰司祿增年延德

司危星占二十六

甘氏曰司危二星在司祿北 又曰司危驕逸亡下

司非星占二十七

甘氏曰司非二星在司危北 又曰司非以祛多私  
甘氏讚曰四司續功桑麻襄陸

敗瓜星占二十八

甘氏曰敗瓜五星在匏瓜傍 甘氏讚曰敗瓜熟爛遺  
種畜殖

河鼓左旗星占二十九

甘氏曰河鼓左旗九星在河鼓傍 甘氏讚曰左旗幽  
谷阻險隱逃

天雞星占三十

甘氏曰天雞二星在狗國北 合誠圖曰天雞主候時  
荊州占曰天雞非其故多大水不通 甘氏讚曰雞

鳴司旦審夜察時

一本云  
省時

羅堰星占三十一

甘氏曰羅堰三星在牽牛東 郝萌曰羅堰主起居

甘氏讚曰羅堰紫壘激內注渠

市樓星占三十二

甘氏曰市樓六星在市中臨箕上 又曰樓星監市斗  
食畜夫 合誠圖曰天樓主市賈 郝萌曰市樓天子  
市府也 援神契曰市樓星動即賈殊 甘氏曰市樓  
星不見政亂 焦延壽曰市樓星不見兵作於市若胡  
人來入漢市以兵相害 郝萌曰市樓星陽為金錢陰  
為珠玉星有不脩者天子幣大亂 又曰市樓星天珠

王金錢府也欲其忽然不明明則賦歛衆石氏曰市樓亡天下易政甘氏讚曰律度制令遍市樓

斛星占三十三

甘氏曰斛四星在市中斗南論語讖曰天斛星主量則甘氏讚曰斗斛稱量尺寸分銖

日星占三十四

甘氏曰日一星在房中道前甘氏讚曰日詔德令耀生飛鳥也

天乳星占三十五

甘氏曰天乳一星在氐北 甘氏讚曰天乳甘露醴酪

充飴

亢池星占三十六

甘氏曰亢池六星在亢池北

亢舟船也池水也  
亢池猶度水也

黃帝

占曰亢池一名代津一名亢星亢星巨星之兩端也亢

池敗天下不通 焦延壽曰亢池不居亢度中則廟有

大怪以主司日見則主命終 郝萌曰亢池主水道其

星微細則凶其壞敗宗廟 甘氏讚曰亢池不居移徙之家

漸臺星占三十七

甘氏曰漸臺四星屬織女東足

四方高曰臺下有水曰漸主晷漏律呂之事

甘氏讚曰漸臺守漏晷吹灰

輦道星占三十八

甘氏曰輦道五星屬織女西足

甘氏讚曰輦道逍遙

優游私行



三公星占三十九

甘氏曰三公三星在北斗柄南

三公若今之太尉曰司徒司空也

石

氏曰三公星天子輔臣也其星欲大明黃潤澤有德令其星赤皆有兵蒼白黑有急喪黃帝占曰三公一星去天下危二星去天下亂三星去天下不治甘氏讚曰三公宣德奉均匡衡

周鼎星占四十

甘氏曰周鼎三星在攝提西春秋緯曰天鼎主流亡

宋均曰天鼎周鼎也

甘氏讚曰周鼎酒罇二簋缶壺

帝席星占四十一

甘氏曰帝席三星在大角北 石氏曰帝席不欲明明

則大臣外其心期三年 甘氏讚曰帝席設座宴旅酢

酬

天田星占四十二

甘氏曰天田二星在右角北 甘氏讚曰天田處界縣

邑正邪

天門星占四十三

甘氏曰天門二星在左角南 甘氏讚曰天門待客應

對無疑

平道星占四十四

甘氏曰平道二星在左右角間

平道主治  
道之官也

甘氏讚曰

平道除道塗轍宣輸

進賢星占四十五

甘氏曰進賢一星在平道西 甘氏曰進賢卿相舉逸

命才 甘氏讚曰進賢鄉里庠序選

謁者星占四十六

甘氏曰謁者一星在左執法北主讚謁之官也

三公內座星占四十七

甘氏曰三公內座三星在謁者東北朝會宴私之所也

九卿內座星占四十八

甘氏曰九卿內座三星在三公北 甘氏讚曰三公九

卿讚謁者諸侯

內五諸侯星四十九

甘氏曰內五諸侯五星在九卿西 又曰五諸侯衛國  
故列在帝庭 河圖曰五諸侯主刺奸 禮緯曰辟雍  
之禮得穆穆皇皇和服則太微諸侯明也

太子星占五十

甘氏曰太子一星在帝座北

從官星占五十一

甘氏曰從官一星在太子西北從官侍衛之臣也 甘

氏讚曰從官常陳五署列居

幸臣占五十二

甘氏曰幸臣一星在帝座東北 甘氏讚曰太子幸臣侍座後聚

明堂星占五十三

甘氏曰明堂三星在太微西南角外 甘氏讚曰明堂顯化常盡孝慈

靈臺星占五十四

甘氏曰靈臺三星在明堂西觀候之所也 甘氏讚曰

靈臺考符居南密微

勢星占五十五

甘氏曰勢四星在太陽守北 甘氏讚曰勢不專事相

命御之

勢者官也謂刑餘之人不可專事助宣王命而已

內平星占五十六

甘氏曰內平四星在中台南 甘氏讚曰內平近決讞

請禮書

內平近執法之官有疑則準案禮律

燿星占五十七

甘氏曰燿四星在軒轅尾南柳北 巫咸曰燿土宮也

甘氏讚曰燿舉烽表遠期沉浮

燿烽火驚急以火相告日行萬里

酒旗星占五十八

甘氏曰酒旗三星在軒轅右角

酒酒官也  
旗旗官也

元命苞曰

酒旗主上尊大帝運樞陰陽滿陳列宿成德五星布恩  
神明和合四節並宣厯紀齊得諸靈合懽故設酒旗以  
人侑神 焦延壽曰酒旗不具天下有燕大喪以酒亡



甘氏讚曰酒旗燕會情意歡娛

天罇星占五十九

甘氏曰天罇三星在東北井 甘氏讚曰天罇愍民憐

育幼孤

天罇主盛饘粥以給貧病也

諸王星占六十

甘氏曰諸王六星在五車南 元命苞曰諸王星主存

亡 郝萌曰諸王主朝會 元命苞曰王星明則下附

從

宋均曰不明下倍畔也

甘氏讚曰王星督察諸侯存亡

司怪星占六十一

甘氏曰司怪四星在鉞前

司怪主占候灾祥者也

洛書曰司怪

集得失

又曰司怪主人揆靈出微

焦延壽曰司怪

星不行宮中有大怪若天下多怪物

甘氏讚曰司怪

誥咎國無災殃

座旗星占六十二

甘氏曰座旗九星在司怪東北

甘氏讚曰座旗旗表

別異殊居以旗

表則君臣之安位也

天高星占六十三

甘氏曰天高四星在參旗西近畢 合誠圖曰天高主  
齋戒之門 焦延壽曰天高星近井鉞大臣斬不乃高  
為下下為高 甘氏讚曰天高闕遠九層望樓

礪星占六十四

甘氏曰礪石四星在五車西 甘氏讚曰礪石砥刃百  
工卒治

八穀星占六十五

甘氏曰八穀八星在五車北

八穀謂稻黍稷大麥小麥大豆小豆麻子也

丑咸曰八穀星主土官也

郝萌曰八穀主候歲 石

氏曰八穀一星不具則一穀不成三星已上不具以食

為害 甘氏讚曰八穀平衡聚集王都

謂穀粟皆歸集於王都也

天讒星占六十六

甘氏曰天讒一星在卷舌中

石氏曰天讒星明大則

讒佞害民善天下二心諸侯專權誣欺 甘氏讚曰卷

舌唾水讒主天醫

積水星占六十七

甘氏曰積水一星在天船中 石氏曰積水星明則水  
大出船行人道必有淪邑者星動搖而行上舟船摩天  
甘氏讚曰天船布罔積水候災

積尸星占六十八

甘氏曰積尸一星在大陵中 石氏曰大陵中有朽骨  
故大陵中有積尸若其星明大者有大喪死人如丘山  
甘氏讚曰大陵表墓積尸隨居

左更星占六十九

甘氏曰左更五星在婁東

左更山虞之官主川澤林藪竹林菜蔬之屬也

郝

萌曰左更主仁之道

黃帝曰左更星不具天下道不

通 焦延壽曰左更星不動搖王者以出必道亡其動

者以出吉 甘氏讚曰左更採薪菟園採茹

右更星占七十

甘氏曰右更五星在婁西

右更主牧養牛馬之官也

郝萌曰右更

主禮義 黃帝占曰右更星不具天下道不通 焦延

壽曰左更不動右更獨動王者私出左右具動王者千萬官出 甘氏讚曰右更僕畜孕重犢駒也

軍南門星占七十一

甘氏曰軍南門一星在天將軍西南大將軍之南門也  
甘氏讚曰軍門營壘禁攻禦暴

天潢星占七十二

甘氏曰天潢五星在五車中 合誠圖曰天潢主河梁  
所以渡神人通四方 禮緯曰潢星明天子壽昌萬民

無疾疫災殃 甘氏讚曰天潢濟渡漸池濯高

咸池星占七十三

甘氏曰咸池三星在天潢西北 黃帝曰咸池一名黃

龍一名五潢注云天官書曰咸池星曰天五潢一名天

津一名潢池一名天井一名天淵豐際太陰陰者蒼龍

之舍也五帝之車也 樂叶圖曰咸池五車天關也

東均

曰五車咸池別名也

春秋緯曰咸池天潢五帝車舍 淮南子

曰咸池者水魚之囿也 郝萌曰咸池者天子名池也



合誠圖曰咸池主五穀 焦延壽曰咸池星明大則有龍墮死者不乃虎狼為人害若大兵起 郝萌曰咸池者五車中星也非其故國旱 郝萌曰咸池不足津河道不通 又曰五潢欲其黃澤明也 甘氏讚曰咸池陂澤鷗雞鴈鳥

月星占七十四

甘氏曰月一星在卯東主女主大臣之象也 甘氏讚曰月明刑度光生蟾蜍

天街星占七十五

甘氏曰天街二星在昴畢間近月東 巫咸曰天街水官也 春秋圖曰天街主伺候 石氏曰天街陰陽之所分中國之境界昴以西屬外國畢以東屬中國也 石氏曰天街者日月五星出入之道也 甘氏讚曰天街保塞孔塗道衢

天阿星占七十六

甘氏曰天阿一星在昴西偏高曰阿亦曜候之處以察

山林之妖也 甘氏讚曰天阿察近岑蔚西隅

唐開元占經卷六十九

欽定四庫全書

唐開元占經卷七十

唐瞿曇悉達撰

甘氏外官

青丘星占一

甘氏曰青丘七星在軫東南

青丘南方蠻夷之國號也

荊州占曰

青丘星非常動搖大官有事甘氏讚曰南夷蠻貊大

赫青丘

折威占二

甘氏曰折威七星在亢南

折威者獄卒也

石氏曰折威者天

子執法之徒也

郝萌曰折威星不居積卒間胡兵大

興中國大傷邊將死

甘氏讚曰將威斷獄棄諸市都

陣車占三

甘氏讚曰陣車三星在氐南

陣車猶草車也

騎陣將軍占四

甘氏曰騎陣將軍一星在騎官中東端

騎陣將軍將軍騎將之行陣也

車騎星占五

甘氏曰車騎三星在騎官南 巫咸曰車騎金官也

甘氏讚曰陣車騎部行

糠星占六

甘氏曰糠一星在箕舌前 甘氏讚曰箕主簸揚糠給

犬猪

農丈人星占七

甘氏曰農丈人一星在南斗西南 農丈人老農也 郝萌曰農

丈人主歲豐耗在箕東歲大熟在箕西饑在箕南小旱  
穰在箕北大穰 甘氏讚曰先農丈人執斗與箕

狗星占八

甘氏曰狗二星在南斗魁前 荊州占曰狗星不如常  
戒禦之臣當之 甘氏讚曰狗主守內夾門伏跗

狗國星占九

荊州曰狗國四星在建星東南 黃帝曰狗國星不具  
天下有大盜 甘氏讚曰狗國鮮卑烏丸沃沮



天田星占十

甘氏曰天田九星在牽牛南 郝萌曰天田如井幹狀  
在營室南 甘氏讚曰天田本農耕器犁鋤

哭星占十一

甘氏曰哭二星在虛南

泣星占十二

甘氏曰泣二星在哭星東 甘氏讚曰哭泣悲涼墳墓  
倚廬

蓋屋星占十二

甘氏曰蓋屋二星在危南

主蓋治之官也

甘氏讚曰危蓋屋

室柱樑侏儒

八魁星占十四

甘氏曰八魁九星在北落東南

甘氏讚曰八魁陷穽

棧門揭翹

八魁主張捕陷穽設機也棧覆穽也揭翹為毒熾使人無踐也

雷電星占十五

甘氏曰雷電六星在營室西南

甘氏讚曰雷電震音

殷殷動搖

雲雨星占十六

甘氏曰雲雨四星在霹靂南 甘氏譌曰雲雨興和休

祁茂孳

興發也和善也休亦善也  
祁雨盛貌孳草木蕃茂也

霹靂星占十七

甘氏曰霹靂五星在土公西南 甘氏譌曰霹靂奮擊

猝

拽拖  
投也

土公星占十八

甘氏曰土公二星在東壁南 論語識曰土公主豫儲

土公吏星占十九

郝萌曰土公吏主司過度 甘氏曰土公吏二星在營  
室西南一曰土公司屏廡設儲

鈇鎖星占二十

甘氏曰鈇鎖五星在天倉西南 甘氏讚曰鈇鎖對鈞

石有饒

鈇斧也 鎖樞也 主斬孽以飭牛馬  
四石為鈞言斬刈豐饒盈鈞石也

天溷星占二十一

甘氏曰天濶七星在屏南 甘氏讚曰天濶伏作杼厠

糞立

天濶厠也

外屏星占二十二

甘氏曰外屏七星在奎南

外屏所以障天濶也

甘氏讚曰屏蔽

擁幃安濶莫睹

天庾星占二十三

甘氏曰天庾三星在天倉東南

屋積曰倉露積曰庾

甘氏讚曰

天庾積穀草茂身拊

芻藁星占二十四

甘氏曰芻藁六星在天苑西 郝萌曰芻藁一曰天積

天積天子之藏府也 黃帝占曰天積中星盛則百庫

之藏存中星無百庫之藏散出 郝萌曰芻藁星見芻

藁賤不即芻藁貴 又曰天積中星繁則歲豐穰民乃

安寧星希則貨財散出 甘氏讚曰芻藁甸服納銓摠

輸生草曰芻木樛曰藁故禹貢曰百里賦納總二百里納銓刈藁曰總刈穗曰銓謂甸服入之以供牛馬之

也食

天園星占二十五

甘氏曰天園十三星在天苑南 郝萌曰天園中小勾  
曲星明菓熟苑馬牛羊皆善 又曰天苑南牛馬樞也  
其中小星樞槽也不見者牛馬羊多死傷者 甘氏讚  
曰天園草實菜茹蓄儲 生曰菜熟曰蓄  
茹儲卑薪也

九州殊口星占二十六

甘氏曰九州殊口九星在天節下 黃帝占曰九州殊  
口一名勾風凡九星在參間常以十月十一月候若一

星不具其國凶三星已上不具兵起天下亂 巫咸曰

九州外官也 郝萌曰九州殊口主聚議 甘氏讚曰

九州殊口重譯辭

九州殊口能曉方言之官九州言語不同要荒蠻夷重譯乃通也

天節星占二十七

石氏曰天節八星在畢附耳南 甘氏曰天節小而明

節使忠直其不明若不見奉使無威敬 甘氏讚曰天

節奉使專對無疑

天節以給使命靈威德於四海

九游星占二十八



甘氏曰九游九星在玉井西南 郝萌曰九游一名苑  
游在參西九星 石氏曰九游一名司曲一名天旗主  
司五星之過 元命苞曰九游統九州別邦 石氏曰  
九游光芒盛兵起 元命苞曰九游星明大則其位多  
大人微則小人臨州 甘氏讚曰九游威旗色盛兵興  
軍井星占二十九

甘氏曰軍井四星在屏東南 荊州占曰天井如輪曲  
與狼星俱主水旱 甘氏讚曰軍井給水師用不竭

水府星占三十

甘氏曰水府四星在東井南 巫咸曰水府水官也

甘氏讚曰水府隄防開道激滿

四瀆星占三十一

甘氏曰四瀆四星在東井南轅東

四瀆者江河淮濟之精也

甘氏

讚曰四瀆受輸滌源注海

闕丘星占三十二

甘氏曰闕丘二星在南河南 元命苞曰闕丘主滅除

之官毀疏明恩以帝五常

宋均曰闕丘主闕墜丘之官也毀疏過於王歷則遷之於

禮更立近明恩情所在諸星也

甘氏讚曰闕丘雙塾外屏果恩

闕丘門外

象魏也天子謂之闕諸侯謂之兩觀丘高也塾門西高堂也天子外屏果恩在宮門外諸侯內屏果恩在宮門內所以別尊卑也

### 天狗星占三十三

甘氏曰天狗七星在狼東北

元命苞曰天狗主守賊

郝萌曰天狗非其故天下有大盜 甘氏讚曰野狗

嚮吠雌雄咸噪

丈人星占三十四

石氏曰丈人二星在軍市西南

子星占三十五

甘氏曰子二星在丈人東

孫星占三十六

甘氏曰孫二星在子星東 甘氏讚曰丈人杖行子孫  
扶持

天社星占三十七

甘氏曰天社六星在弧南

昔共工子曰勾龍能平水土其精為星故祀以為社也

郝萌曰天公社者小人天公祠祀非私所事也所祠

者公社主也 甘氏讚曰老人天社理落禱祀

### 天紀星占三十八

甘氏曰天紀一星在外厨南

天紀主知禽獸年齒凡所烹宰不殺孕不夭幼以致

繁盛故處外厨之門也

甘氏讚曰紀別少齒胎夭不屠

### 外厨星占三十九

甘氏曰外厨六星在柳南 甘氏讚曰外厨烹淪雞羊

犬猪

天廟星占四十

甘氏曰天廟十四星在張南

天子之祖廟也

黃帝占曰天廟

星均明則吉微細則凶

又曰星非其故有凶憂若白

衣之會又曰有兵軍食不通

郝萌曰天廟星大色黃

潤則吉蒼白為憂青黑憂在宮中

荊州占曰天廟星

非其故有廟殘之事吏不去則死

甘氏讚曰天廟祭

祀示民不怠

東甌星占四十一

甘氏曰東甌五星在翼南

東甌東越也今永嘉之永寧縣是也謂東甌星魚主此地

也

甘氏讚曰康居穿骨越裳東甌

器府星占四十二

甘氏曰器府三十二星在軫南

器府樂器之府

甘氏讚曰器

府掌故管絃絲竹

巫咸中外官

太尊星占一

巫咸曰太尊一星在中台北 巫咸讚曰太尊一星職  
比聖人

三公星占二

巫咸曰三公在北斗魁第一星西 黃帝曰三公一星  
去天下危二星去天下亂三星去天下不治 巫咸讚  
曰三公星七政齊同三公猶今三公也和陰陽齊七政  
也

大理星占三



巫咸曰大理二星在紫宮門左星內大理者平獄之官也 巫咸讚曰大理奏事南門左陬

女御星占四

巫咸曰女御四星在鈎陳星後北女御為八十一御妻之象也 巫咸讚曰女御禮儀威容步趨

天相星占五

巫咸曰天相三星在七星大星北 石氏曰天相者天丞相也主服綵色文章 巫咸讚曰天相爵服綵色顯

光

長垣星占六

巫咸曰長垣四星在少微西南北列 郝萌曰長垣在  
七星北南星亦在太微西六七尺 合誠圖曰長垣主  
界域 巫咸讚曰長垣四星城邑相包

虎賁星占七

巫咸曰虎賁一星在下台南

虎賁士以虎皮為冠示威猛也

巫咸讚

曰虎賁四騎室旄頭

軍門星占八

巫咸曰軍門二星在青丘西天子六軍之門也 荊州  
占曰軍門非其故軍道不通 巫咸讚曰軍門營候虎  
尾威旗

土司空星占九

巫咸曰土司空四星在軍門南 合誠圖曰土司空主  
土城 石氏曰土司空四星近青丘司空水土司察者星  
黃潤則吉 巫咸讚曰土司空主界域族神土糞

陽門星占十

巫咸曰陽門二星在庫樓東北 巫咸讚曰陽門戍遠  
劍戟楯矛

頓頑星占十一

巫咸曰頓頑二星在折威東南頓頑亦獄官也所以與  
折威相近 巫咸讚曰頓頑捕制察伺獄囚

從官星占十二

巫咸曰從官二星在房星南 巫咸讚曰從官二星主

疾病醫

天輻星占十三

巫咸曰天輻二星在房距西星天輻宰乘輿之官也

元命苞曰天輻主言祠事氣有離合設禱謝

宋均曰離星相遠也

合星相近

焦延壽曰天輻近尾吉遠尾天下有為害者

巫咸讚曰天輻陳駕被軒轅駕旗

鍵閉星占十四

巫咸曰鍵閉一星在房東北鍵閉主鑰關門之官

天官書鈴

北一星牽前天  
史志曰常也

荊州占曰鍵閉星明則道大昌不明

則閤亂宮門不禁津梁隔絕 巫咸譜曰鍵閉司察心  
腹口喉

罰星占十五

巫咸曰罰三星在東咸西南北列 巫咸譜曰罰星受

金罰贖市租

列肆星占十六

巫咸曰列肆二星在天市中斛西北列肆列店也販鬻

金玉珠珍故在市南 巫咸讚曰列肆貨販金玉璣珠

車肆星占十七

巫咸曰車肆二星在天市門左星內 巫咸讚曰車肆

二星百賈肆區車肆者列車服之賈百品隨類區別也

帛度星占十八

帛度二星在宗星東北 巫咸讚曰帛度賈買與平者

俱

屠肆星占十九

巫咸曰屠肆二星在帛度北 巫咸讚曰屠肆烹熬盛

饌賓娛樓星監市斗食毒夫

屠宰之肆以供  
待賓客相娛樂

奚仲星占二十

巫咸曰奚仲四星如衡狀在天津北 巫咸讚曰奚仲

彌輪路軫優綽

奚仲車正也軫在軾  
前優綽覆軫者也

鈎星占二十一

巫咸曰鈎九星如鈎狀在造父北 禮含文嘉曰王者

賜命諸侯皆如其德則陰陽和風雨時其九為鈎曲直



宋均曰天之九星主珍異令賜諸侯亦所以顯  
異之也應於主珍之星故為之曲有直者也 荊州

占曰鈎星非其故地動 巫咸讚曰鈎星戒道傳路宣

輿

### 天桴星占二十二

巫咸曰天桴四星在河鼓左旗端南北列 黃帝占曰

天桴者一名奚仲星在河鼓東天桴前近河鼓則鼓用

又曰天桴動桴鼓用 石氏曰天桴星明軍鼓鳴

荊州占曰天桴星不明度數改漏刻失時 巫咸讚曰

天桴應度節漏省時

天桴鼓槌也

謂應漏刻時節也

天鑰星占二十三

巫咸曰天鑰八星在南斗南杓第二星西

天鑰瑤鑰也

巫

咸讚曰天鑰祀記稽問莫疑

天淵星占二十四

巫咸曰天淵十星在鬘東南九坎間一名天淵一名天

海主灌溉之官

廣雅曰天淵轅路寢

巫咸讚曰天

淵灌溉盈滿淵區

齊星占二十五

齊一星在九坎東

趙星占二十六

趙二星在齊西北

鄭星占二十七

鄭一星在趙東北

越星占二十八

越一星在鄭西北

周星占二十九

周二星在越東北

秦星占三十

秦二星在周東南

代星占三十一

代二星在秦東南

晉星占三十二

晉一星在代西南

韓星占三十三

韓一星在晉北

魏星占三十四

魏一星在韓近秦星

楚星占三十五

楚一星在魏西南近鄭星

燕星占三十六

燕一星在楚東南近晉星 巫咸曰齊趙諸國應天列

宿土地九州其星有變各為其國

離瑜星占三十七

巫咸曰離瑜三星在代東南北列

離袿衣也瑜玉飾此婦人服也

巫

咸讚曰離瑜玩飾并見舅姑

天壘城星占三十八

巫咸曰天壘城十三星如貫索狀在哭泣南 巫咸讚

曰天壘主北夷丁零匈奴

虛梁星占三十九

巫咸曰虛梁四星在危南

虛梁園陵也非人所處故曰虛梁也

巫咸讚曰

虛梁宮室屋室謹禱

天錢星占四十

巫咸曰天錢十星在北落西北

巫咸讚曰天錢藏府

聚衆談誇

天綱星占四十一

巫咸曰天綱一星在北落西南

天綱大絙索也以張帳幔天子遊犒野次所須

巫咸讚曰天綱武帳官府置衛

鈇鎖星占四十二

巫咸曰鈇鎖三星在八魁西北一曰鈇鉞 元命苞曰  
鈇鎖主亂行斬誅枉詐 郝萌曰星欲不明明若動皆  
為鈇鎖用又曰鈇鎖非其故兵起鈇鉞用 荊州占曰  
星非其故兵將有憂 巫咸讚曰鈇鎖拒難斬伐姦謀  
天廩星占四十三


巫咸曰天廩十星在東壁北近王良 合誠圖曰天廩  
官主傳舍 巫咸曰天廩星非其故有廟戒之事人主



以馬為憂否則馬疾 巫咸讚曰天廄置驛逐漏馳騫  
天廄主馬如今驛馬其行急疾與晷漏競也

天陰星占四十四

巫咸曰天陰五星在畢柄西 巫咸讚曰天陰羽獵附  
耳密謀



唐開元占經卷七十

欽定四庫全書

子部

唐開元占經卷七十一至  
四

詳校官中書<sub>臣</sub>李采

靈臺郎<sub>臣</sub>倪廷梅覆勘

總校官編修<sub>臣</sub>王燕緒

校對官庶吉士<sub>臣</sub>潘曾起

謄錄監生<sub>臣</sub>鄧培善

欽定四庫全書

唐開元占經卷七十一

唐

瞿曇悉達撰

流星占一

流星名狀一

河圖曰諸流星皆鉤陳之精天一之御也 流星大如  
缶若瓮行絕跡名曰飛星其跡著天名曰流星 孟康  
曰流星光相連也大如瓜桃名曰使星飛星主謀事流

星主兵事使星主行事以所出入宿占之

自上而降曰流自下而升

曰飛

爾雅曰奔星謂之彗

便窕切

約

流星大而疾曰奔

郭璞曰

彗而約流星別名也

石氏曰流星如乍爇初直後白

其前分為兩是為使星所之國受福

帝覽嬉曰流星

夜見光望之有尾離離如貫珠名曰天狗從所下兵大

起王者徙都邑期三年

巫咸曰流星有光見面墜地

若不至地望之有足名曰天狗所往之鄉有戰流血其

君失地期不出三年災應

又曰大流星墮破如金散

而有音聲野雉盡鳴名曰天狗其所之地必有戰流血  
班固天文志曰流星有聲止地類狗墮望如火光炎  
炎中天 天官書曰衝天其下圜照數頃處上銳有黃  
色名曰天狗見則兵起千里破軍殺將一曰狀如大鏡  
玄冥占曰流星夜見頭足如奮火名曰天狗其所下  
有兵起必有戰期二年 黃帝占曰流星大如瓮頭大  
尾小長可三四尺其後形迹皎皎然赤白色名曰天棊  
見則其國兵起流血有死將期一年遠三年 雒書曰飛

星大如蠶瓮而行絕迹色如煙火墮名曰天保此星所往者其分受福有利若有吉事期不出年 文耀鉤曰流

星有光夜見墻垣而有聲者野雞盡鳴名天保所止之野大兵起 荊州占曰流星有光黃白從天墮有音如炬煙火下地雞盡鳴名天保也所墜國安有喜若水

石氏曰流星如缶瓮其後縵縵白晝天王者吏均封疆 荊州占曰將軍均封疆 海中占曰流星有聲如雷其音止地野雞盡鳴名曰天鼓其所止國兵大起必有

戰殪尸滿野期三年 巫咸曰流星有光青赤其長二  
三丈名曰天鴈將軍之精也其國起兵將軍當從星所  
之 荊州占曰流星其色青名曰地鴈其所墜者起兵  
聖洽符曰流星大如瓮其光赤黑有喙者名曰頓頑  
見則其國有兵有失地君期二年 荊州占曰飛星大  
如缶若瓮後皎然白前卑後高此謂頓頑其所從者多  
死亡削邑而不戰 聖洽符曰飛星如瓮 荊州占曰  
大而赤若瓮後皎然白長可一丈 荊州占云長數丈



其星滅化為雲周流天下名曰浩滑 荊州占曰名曰  
大滑 海中占曰名曰否顛見則其國必有大戰流血  
積骨期一年遠二年 齊伯曰飛星如羗 荊州占曰  
如缶若羗其後皎然白前卑後高名曰浩亢 荊州占  
云名曰降石搖頭乍上乍下大饑人相食 荊州占曰  
人食不足期三年 荊州占曰飛星大如缶若羗後皎  
然白星滅後白者曲環如車輪此謂解銜其國人相斬  
為爵祿此謂自相齧食 荊州占曰流星大如缶其光

赤黑有喙者名曰梁星其所墜之鄉有兵君失地 太

公陰秘曰凡出軍擊賊見大流星所指向者將之用兵  
順之行則勝又曰流星下入軍營必空主將無功避之  
則吉 推度災曰奔星所墜其下有兵 文耀鉤曰流

星前如缶盆後皎然白其欲入時施施如金散此謂使  
星其所入宿受福期一年遠二年 春秋緯曰大奔星

有聲望之如火光見則破軍四方相射

案續漢書曰靈帝中平二年邊

章韓遂將數萬騎寇三輔五月夜有流星如火光長  
十餘丈照章遂營中驢馬盡鳴賊以為不祥欲走董卓

聞之喜明日併兵俱攻大破之斬首數千級章遂敗走  
魏志曰司馬宣王圍公孫文懿夜有大流星長數十丈

從首山東北墮襄平城東南及文懿走當流星處斬之

又近驗前代邊將敗績多有

奔星墜其營中 石氏曰流星落落如遺大光其下

有戰傷 又曰赤流星其後圓如輪所之國有兵其將

有他意 甘氏曰流星色黃其後如一疋帛練所之國

增地有喜期一百八十日 班固天文志曰漢孝昭始

元中流星下燕萬載宮極東去

李奇曰極屋梁也三輔間名為極或曰極棟也尋棟東去也延篤謂

之堂前欄楯也法曰國恐有誅其後左將軍與長公主燕刺王謀作亂咸

伏其罪 荊州占曰大流星赤光照地流而東吳越部兵

一書云齊

地部

兵流而南楚宋部兵流而西秦鄭部兵流而北燕趙部兵

宋

天文志曰晉孝懷永嘉元年九月辛卯有大流星自西南流於東北小者如斗相隨天盡赤聲如雷是年五月汧殺東燕王勝遂據河上十一月始遣和郁為征北將軍鎮鄴西田甄等大破汧斬于樂陵於是以甄為汧郡太守弟蘭鉅鹿太守小星相隨小將副帥之象也司馬越忿魏郡以東平原以南皆黨於汧悉以賞甄等於

是侵掠桑地有聲如雷忿怒之象也

荊州占曰流星耀然有光色白長

竟天者人主之星也星之所往人主從之人主不從即將軍若相從之星如笊者為發謀起事大如桃者為使

事也 荊州占曰流星之尾長二三丈耀然有光竟天

其色白者主使也其色赤者將軍使也

案司馬彪天文志曰光武中元

二年十月戊子大流星從西南東北行如雷是時使中郎將竇固楊虛侯馬武楊鄉侯王賞將兵征西羌 宋

天文志曰晉海西公太和四年十月壬申大流星下有聲如雷明年遣使免袁真為庶人桓溫征壽春真病死息瑾代之求救於苻

堅溫破堅軍六年壽春城

荊州占曰小流星從敵軍

陷如雷將士怒之象也

上來徐至吾軍上而入有間謀者且來間吾軍 又流

星前赤後青黑者客軍敗死 又流星夜見光尾長如

厚布色蒼白為使亦有兵黑死喪 又流星甚大其光

照地色青赤流四旁若有赤光人饑五穀不藏 又無  
風雲有流星見久食間乃入為大風發屋折木 玉歷  
曰流星出都邑中王者有憂欲去都邑及有叛者期不  
出二年 宋書志曰蜀後主建興二年諸葛亮帥大衆  
伐魏屯於渭南有長星赤而芒角自東北西南投亮營  
三投再還往大還小占曰兩軍相當有大流星東走軍  
上及墜軍中者皆破敗之徵也九月亮卒于軍焚營而  
退羣師交惡多相誅戮 宋幽川王幽明錄曰陳郡袁

真在豫州送妓女阿薛阿郭阿馬三人與桓宣武至經  
時二人共出庭前觀望見一流星直墜盆水中薛郭二  
人更以瓢酌取皆不得阿馬最後取星正入瓢中便飲  
之即覺有妊遂生桓玄

流星四面交行二

考異郵曰陪臣專行請謁至尊衆星數流主命凶 海  
中占曰流星紛紛交行耀目人君自貴視臣如草土臣  
欲有離散之象也期不出二年 班固天文志曰孝昭

元平元年二月有大流星如月衆星隨而西行大如月  
大臣之象也衆星隨之衆人皆隨從大臣之象也此大  
臣欲行權以安社稷其四月昌邑王賀行淫僻立二十  
七日大將軍霍光白皇太后廢賀 韋昭洞記曰四月

癸未昭帝崩 司馬彪天文志曰流星百數四面行者

庶人移徙之象

案宋天文志曰宋明帝大始二年三月乙未有流星大小西行不可勝數至曉

乃息占曰人流之象其年淮吐四州地彭城兗州並為虜所没人流之象

黃帝占曰大流

星出行衆星紛紛從之而流期不出三年王者徙都邑



去其宮殿又曰星數流者天下不安急使絡驛之象也  
石氏曰流星紛紛交行移時不止天下大饑兵起人  
民流亡各去其鄉期不出三年 司馬彪天文志曰光  
武建武十二年正月己未小流星百枚以上或西址或  
正址或正東或東址二夜止六月戊寅流星百枚以上  
四面行小星者庶人之類流行者移徙之象于時西討  
公孫述址征虜羯匈奴侵邊漢遣將軍馬武等屯下陽  
臨呼沱以備胡匈奴入河東中國未安米穀荒貴人或流散

後三年吳漢等從鴈門代郡上谷關西使人六萬餘置

常關居庸關以東以避胡寇 宋書天文志曰晉孝懷

永嘉元年十二月丁亥流星震散

案劉向說天官列宿在位之象衆小星無

名者庶人之類此百官庶人將流散之象也其後天下大亂百官萬人流移轉死矣驗近事中宗朝衛王重俊與李多祚等欲舉兵誅鋤干紀者武三思等于時先夜有流星繽紛交亂不可勝記向晚有大流星百數皆有尾迹紛馳漸下向西南及至王與左右將軍等奔退多向西南衛王亦殞身于西南方有野之野又驗景龍二年六月癸未夜有流星無數四方奔墮繽紛紛紛不可勝記多出虛危河鼓天津貫索織女羽林王良閣道又先天二年六月庚戌夜有流星無數皆向北及西北流從羽林飛入紫微宮者甚衆亦出河鼓織女等坐

後皆朝有變故因羽林兵誅岑義等賊干戈垂於紫宮鋒  
鏑流于絳闕羣小流移急使駱驛又驗其月丙辰夜  
小流星四面交流極多不可勝記所流者不過二尺後  
果京兆醴泉坊人逃相訛恐多棄已宅散走他里經宿  
而止凡小流星者庶人之  
象交流者驚馳之應也

荊州占曰流星以人定至

夜半見者期歲數夜半至雞鳴見者期月數雞鳴至平  
明見者期日數 石氏曰流星見甲子旬為東方丙子  
旬為南方庚子旬為西方壬子旬為北方戊子旬為中  
方 司馬彪天文志曰流星者貴使也星大者使大星  
小者使小聲隆隆者怒之象也行疾者期疾行遲者期

遲也 天文志曰景元四年六月大流星二並如斗西方分流南土光炤地隆隆有聲占曰流星為貴使星大者使大是年鍾鄧尅蜀二星蓋二帥之象二帥相背又分流南土之應鍾會既叛三軍憤怒隆隆有聲兵將怒之象也 荊州占曰流星大無光者衆人之事也小而光者貴人之事也大而光者其貴人且衆乍明乍滅者敗謀也前大後小者憂恐也前小後大者喜事也蛇行者奸事也往疾者往而不反也長者其事長久也短者

其事疾也

流星晝行三

黃帝占曰流星名曰營頭營頭所之下流血滂沱赤地  
三千里若過四關天下道不通期不出三年 司馬天  
文志曰王莽地皇四年六月莽使司徒王尋司空王邑  
將兵號百萬衆驅犀象虎狼放之道路晝有雲氣如壞  
山墜其軍上人皆似壓所為營頭之星也是時光武將  
兵數千人赴昆陽奔擊二公兵并力焱發號呼聲動天

地虎狼豹驚怪散會天大風飛屋瓦雨如注水二公兵  
亂敗自相賊殺者數萬人競赴潢水死者委積潢水為  
之不流殺司徒王尋軍人皆散走歸本郡王邑還長安  
莽敗俱誅死 晉大安二年十一月辛巳有星晝隕中  
天圯下有聲如雷明年劉淵石勒攻掠并州多所殘滅  
王浚起燕代百姓塗地 洛書摘亡辟曰流星晝行  
亡君之誠 甘氏曰星晝行名曰營首營首所在有流  
血滂沱則天下不通一日大旱赤地千里所謂晝行者

日未入也 巫咸曰流星晝行名曰爭明其分有兵國  
破君亡期一年遠三年 京房曰星晝行唯百姓不安  
荊州占曰暮若晝有流星甚大而長兵從之其後散  
無功 又曰流星晝見墜邑都中有王來入都邑者

王厯曰流星晝行下都邑中赤不出二年外國相有來  
者色白臣謀主不成戮死 班固天文志曰成帝元延  
元年四月丁酉日晡時天清晏殷殷如雷聲有流星頭  
大如缶長十餘丈皎然赤白色從日下東南去四面或

如大盆或如雞子耀耀如雨下至昏止郡國皆言星隕  
春秋星隕如雨王者失勢諸侯起霸之異也其後王莽  
遂專國政王氏之興萌於是也是時已有星隕之變後  
王莽遂篡國

流星犯日四

荊州占曰奔星入日中有臣欲謀其主凡流星貫日不  
中者臣謀主事不成而斃死也

流星犯月五



河圖曰天無雲有流星過月下若月上其國有喜 洛  
書曰流星八月中不出三年人主憂 海中占曰流星  
八月中星無光不出其年亡國星出亡國復立 海中  
占曰使星八月中女主疾 荊州占曰流星八月中無  
光四夷侵中國不出十月 又奔星八月中有臣謀其  
君 又使星八月中有君失地者 又曰使星八月中  
無光將軍戮期十年

流星犯五星六

郝萌曰流星抵歲星大臣弑主一曰相戮死 又云流星抵歲星歲星沒不見流星反為歲星人主死相出走  
荊州占曰使星入歲星色蒼黑則大農相國死赤歲  
大病天下饑黃白饑青足食 又流星抵熒惑天子將  
大行國旱饑 又使星入熒惑國多讒臣天子備火  
黃帝曰流星抵填星后忌之 郝萌曰流星抵太白有  
喜令 天官書曰流星抵太白沒不見流星反為太白  
更國政令將戮死有內兵 又云流星抵辰星辰星沒

不見流星反為辰星國大亂

唐開元占經卷七十一